

坐隱先生精訂可雪齋稿

坐隱先生精訂可雪齋稿目錄

套數

北商調集賢賓

暖溶溶鳳城春似海

元夜

北南呂一枝花

渾渾宰相居

壽徐魏公

北黃鍾醉花陰

簾捲春寒杏花雨

春情

南南呂梧桐樹

香醪爲解愁

春愁

北中呂粉蝶兒

笑眼睜開

閨情集花名

南商調集賢賓

今年牡丹花較遲

集藥名題情

北黃鍾醉花陰

簾捲東風畫堂曉

富文堂初夏讌集

南南呂梁州序

西園暮景

初夏題情

北南呂一枝花

勸金杯竹葉春

集曲名壽史痴

北仙呂村里逐鼓

淮水上彩舟無數

秦淮午日泛舟

北越調鬪鵲鵲

帝業南都

賞金陵八景

南仙呂一封書犯

驚一葉墜井

秋景

北南呂一枝花

詩成奪錦袍

南寧總戎第夜宴

北商調集賢賓

敝南樓夜深簾半捲

賞中秋

青丁可雪齋高

北中呂粉蝶兒

萬斛秋香

賞桂花

北雙調新水令

鴛鴦夢斷藕花鄉

秋怨

南南呂梧桐樹

深深繡幕遮

冬景

漫漫瑞雪鋪

冬景題情

南雙調黑麻序

點檢梅花

冬暮題情

北黃鍾醉花陰

今歲江梅試花早

冬怨

南商調鶯啼序

孤幃一點殘燈

題情

南南呂一封書犯

朔風勁透幕

題冬景

小令

北水仙子帶過折桂令

九日

北脫布衫帶過小梁州

暮春志感

北醉太平

閑情 二首

北水仙子

上元漫興

北蟾宮

閨怨 四首

南黃鸝兒

寄情

南金落索

閨怨 四首

北醋葫蘆

青樓十詠

北小桃紅

閑情

七首

南駐馬聽

寄妓

南風入松

怨別

十三首

南駐雲飛

風情

四首



北滿庭芳

香閨八詠

北一半兒

風情

四首

北水仙子

中秋

四首

閨情別意

四首

可雪齋稿目錄

畢

坐隱先生精訂可雪齋稿

新都環翠堂藏板

套數

元夜

北商調集賢賓

暖溶溶鳳城春似海。花湖洞錦樓

臺明皎皎千門萬戶。開烘烘六市三街。有星橋鐵鎖

高橫。正金蓮火樹齊開。幾千枝。蠟光燒月色。那里有

半點雲霾。

真個是笙歌平地起。香靄半空來。

逍遙樂

風光堪愛。端的是一刻春宵。千金怎買。何

幸吾儕。際昇平民物和諧。逐隊隨行。儘放懷。似誤入

桃源境界。你看那丹青屏障。斜帶着錦繡排紗。高懸着風月招牌。

金菊香粧點出十洲三島小蓬萊。分明是擊鼓鳴鑼大會垓。花燈兒四圍交闔彩。月漾燈篩。周八極貫三台。

醋葫蘆 太極燈陰混陽。日月燈盈對髮。雪花燈滾滾復皚皚。有金鰲振鱗人見駭。上面把蓬山穩載。看緋桃紅杏倚雲栽。

前腔 翠巍巍地湧山綠沉沉。山映海。我則見金銀宮闕半天開。一箇浮屠燈九宵搏瑞靄。掩映着幢旛。

寶蓋。一個火珠當頂。蜃辭胎。

前腔。畫屏燈四面遮。繡毬燈一字擺。你看那紫鸞丹鳳舞。毬人叢里喊聲翻動海。流水似飈輪火塊。則見錦重重社火鬧中來。

前腔。才過了竹林游。晉七賢。又有那瓊林宴。唐十宰。早擁上孔門七十二賢才。更有那縱橫四豪諸劍客。無數的義冠博帶。又一簇仙風道辦甚奇哉。

前腔。一個漢鍾離髻兩髻。一個呂洞賓巾半側。藍采和。搖擺擺放狂乖。一個李屠拄着個枯木拐。張果老驢兒行快。一個韓湘子手內牡丹開。

前腔一個何仙姑竹罩籬因甚擎。一個曹國舅雲陽板不住拍。見幾個風流人物伴着醜形骸。偌來高木橈雲外跚。賣弄他神通廣大。看那無根花頃刻發枯。  
芟。

前腔一個潘安仁奉版輿。一個老萊子呈戲彩。一個孟宗哭竹痛哀哀。一個蔡順自將桑椹採。一個王祥守奈。一個抱鋤郭巨把兒埋。

前腔一個惡那叱鳳翅盔。一個李天王龜背鎧。捧着一金身丈六老如來。一個紅顏綠鬢小善才。遥望着觀音禮拜。洒楊枝甘露淨塵埃。

前腔。一個安祿山。忒索肥。一個東方朔。直這般矮。一個沈休文。肌骨瘦如柴。他每衣裝相貌不住的改。說不盡千奇百怪。又一個貨郎兒。擔子巧鋪排。

前腔。那老兒破袖衫。背脊彎。皂頭巾鬚髮白。挑着個軟沉沉擔子。壓肩歪。叫道。是喫的用的。隨意買。者麼你頓回零賣。引的些女郎。每提挈幾個小嬰孩。

後庭花。你看他。麝蘭風不動埃。可知道綺羅叢里偏

戀客。這壁廂。轆轤香車過。那壁廂。丁璫玉轡飾。觀仔細

細覷明白。他每都矜誇賭賽。紫貂裘稱體裁。凌波襪剛半窄。鮫綃怕暗地裡揣。錦香囊私地裡解。紫雲娘

偏愛才。杜樊川。忒煞色。

青歌兒

牙還償了些花錢。花錢酒債。成合了些雨情。

雨情雲態。

直走到河漢西傾。斗柄歪。則見那女貌郎。

才。杏臉桃腮。齊齊挨挨。開開垓垓。引幼扶衰。撒腿粧。

呆。有那等大院深宅。玳瑁筵開。月砌雲堦。絳燭銀臺。

翠袖弓鞋。寶髻金釵。燕列鶯排。綺剪霞裁。玉笋高臺。

玉液頻醺。隱括商猜。戲謔談諧。見如今元宵明哉。股。

肱良哉。庶事康哉。儘今生今夕。樂無涯。望。

北極遙瞻拜。

浪裡來煞。

梯航拱上京。禮樂興三代。春風壽域八。

方開祝。皇圖永安千萬載。人幸與燈光長在。約明年花市又重來。

壽徐魏公

北南呂一枝花。潭潭宰相居。凜凜元戎第。觚稜平聳踞。輪奐競暈飛。闕闕根基。贈袞冕榮先世。錫貂蟬。蔭後裔。啓雕窗。賓迎着鍾阜朝雲。俯朱檻。映帶着秦淮流水。

梁州第七

環布下七重錦帳。新築成十里沙堤。

寵恩優遠。作留臺寄江淮保障。京國藩籬。令嚴武士。德撫黔黎。有勤王伊傳功勳。有致君堯舜忠直華。



雅言詩集卷之四  
四  
堂中氣昂昂森列着八座瓊簪轅門外光皎皎密排  
着千枝畫戟柳營前影飄飄高建着五丈牙旗旱梅  
放蕊正雪花六出呈祥瑞慶蟠桃海山會一片仙幢  
颺彩霓謫降瑤池

煞尾  
龜鶴願祝三千歲一度登階一獻杯今歲今  
年是春日值三公誕期應三陽節氣大象乾元利貞  
吉

春情

北黃鐘醉花陰  
簾捲春寒杏花雨閑倚遍闌干數  
曲羞傳粉倦塗朱自入春來好事無情緒清減盡瘦

身軀。半步房櫳怕待出。

喜遷鶯 自五陵人去。那曾的眼展眉舒。躊躇問花不語。獨對花枝幾歎吁。好芳菲誰是主。說離思鶯喉燕舌。惱離情柳眼花鬚。

出隊子 掩重門凝佇。是誰家嬌幼女。你看他飄飄錦帶。映羅襦。轆轤香輪走鈿車。鏤鏤金翹。橫翠羽。

前腔 恣評紅揀綠。翠紅鄉邀伴侶。他每都聞尋芳草步。爭趨戲挽柔條手。笑舒。驀轉秋波情暗許。

刮地風 他每逐隊隨行陪笑語。不道人影隻形孤。去年時送別長亭路。到如今記得來。糊突錦重重綺窗。

朱戶。濕溟溟。柳烟花霧。怕春來愁春去。轉頭春暮。想  
薄情忒狠毒。兩綢繆。一霎生疎。漢相如。却把文君負  
呀。敢白頭吟親自續。

四門子 錦回文織到傷心處。話無多恨有餘。搭一  
首兒詩。附一紙兒書。覓不着錦江雙鯉魚。將好字兒  
添。及字兒除。倩一箇行人寄與。

古水仙子 他他他。頗士夫。是是是。又不道。生來氣  
味粗。儘儘儘。小心兒。切月批風。敢敢敢。軟性兒。憐香  
惜玉。呀呀呀。一時間。及做出。我我我。等他來。取箇招  
伏。將將將。負心的。罪名當面數。剛剛剛。對人前。扯碎。

姻緣簿。才才才。摔破了悶葫蘆。

尾聲

杜宇無端爲誰訴。只叫到淚血乾枯。由兀自訴不平。心上苦。

春怨

南南呂梧桐樹

香醪爲解愁。酒醒愁依舊。斜月殘

燈。正是愁時候。愁憑酒破除。酒被愁迤逗。酒力無多。愁去愁還又。愁深酒薄難禁受。

東甌令

花凝恨。柳含羞。花柳傷春人病酒。鶯啼燕

語。清明後。全不管人消瘦。剩雲殘雨兩悠悠。遮斷晚粧樓。

清江可雪齋稿八

六

環翠堂

大聖樂

桃源洞花事都休。許劉郎重到否。啼痕湮

透青衫袖。

傷白傅惱江州。

這些時。瑤琴罷却求凰奏。

可正是紅葉誰人寄御溝。陽臺夢杳。苦追蹤問跡。似無還有。

解三醒。忘不了共攜纖手。忘不了西園秉燭遊。忘不

了同心帶結鴛鴦扣。忘不了羅襪雙鉤。

忘不了香囊

雜綵新挑繡。

忘不了百寶珍珠絡臂鞦。

閒窮究。把嬌

歡美愛盡付東流。

餘音

好姻緣還成就。繡幃錦帳。傲綢繆。月底新詩

再和酬。

閨情集花名

北中呂粉蝶兒 笑眼睜開。一團兒海棠嬌態。結春  
愁。荳蔻含胎。瘦伶仃。寬掩過。合歡羅帶。鎖梨花暮雨  
亭臺。杜鵑聲碧紗窗外。

南泣顏回 金鳳舊時釵。錦帶匆匆雙折。辛夷夢想  
宜男。甚日歸來。芙蓉貌改。對菱花無意。描眉黛。怯山  
丹。不奈輕寒。碧桃香人遠天台。

北石榴花 剪紅羅做就鳳頭鞋。金蓮小款。款步蒼  
苔。木蘭干斜倚。費裁劃。正凌霄月色。石竹風篩。瑞香  
烟縹緲。搏雲蓋。金錢兒仔細鋪排。卦爻兒。蓍筍深深。

拜。丁香舌私語記明白。

南音天樂。紫薇那薄情煞。木槿要將聲名壞。把金銀花費傾囊。麗春園落下招牌。結香半載。薔薇謝却。齒舊將開。

北闕鸛鶒。一些兒茉莉牽纏。又不是雞冠間隔。止不過水疊山礬。似阻着佛桑大海。展轉思量。月季懷他水仙般。說秀才小見識。碎米心腸。巨勝似偷香計策。

南朱奴兒。十姊妹將咱見責。玉簪珥無心懸戴。李冰絃調轉哀。滴珍珠淚濕香腮。恹恹害芍藥怎解。

晝夜合窻耐。

北十二月 他則待茶蘼酒色。那里有石榴恩愛。辜負了長春宴飲。消磨了玉藥形骸。他龍爪般心毒意歹。將繡毬兒棄擲在塵埃。

南撲燈蛾 牡丹花中國色。木犀天香氣格。托模兒似粉團。渾身兒有素馨。縱江梅果然難賽。無定影似楊花風擺。我做錦被將他遮盖。半含笑佯推不採。一會價猛然躑躅上心來。

北尾聲 後庭花燭還相待。金盞高擎。酒謾醒。鶯粟當年玉鏡臺。



集藥名題情

南商調集賢賓。今年牡丹花較遲。又開殘芍藥。茶  
蘼石燕。雙雙尋舊壘。正蜂房採盡芳菲。沉吟薏苡。惜  
輕粉濃華憔悴。和懶髓描不成。柳葉霜梅。

前腔。檳榔遠方音信稀。問不着浪蕩踪跡。遠水常  
山千萬里。寄平安白芷空回。全無枳實。忍將我紅娘  
拋棄。似無根水。木通達好難尋覓。

黃鶯兒。香冷鬱金衣。變烏頭減玉肌。斟量五味難  
調治。人言這疾沒藥可醫。隄防貝母多疑忌。向白茱  
天南星底。麥蘖告神祇。

前腔。一。梔子去何之。望夫身恐滑石。羅衫漫滴梧桐  
淚。杏仁那里。獨活怎的。蓮心苦在咱心內。似膠漆。雌  
黃口。嘴華撥燕鶯期。

琥珀貓兒墜。禹餘糧後梅子土青皮。雲母紗幮初  
睡起。一春半夏守孤幃。時催。又早菊花天敗葉紛飛。  
前腔。雪迷山藥。百合掩朱扉。欸把珍珠簾幕垂。馬  
兜鈴響聽驕嘶。猜疑。敢是茴香。那人當歸。

尾聲。蓓蓉展放鴛鴦被。金鴨重將腦麝煨。錦帳雙  
斟竹葉杯。

富文堂初夏讌集同徐子仁聯句

北黃鐘醉花陰 簾捲東風畫堂曉。恰春色三分過  
了。鶯辭谷燕成巢。花事闌珊。萬綠枝頭開。牡丹因尚  
呈嬌。芍藥翻堦試紅早。

南畫眉序 堪賞景偏饒。彷彿十洲共。翠島喜繁華  
地勝。闕闕門高。小橋橫綠水斜通。平堤接垂楊。輕罩  
市。鶯長日何曾到。塵煩向此全消。

北喜遷鶯 想蘭亭行樂。半都是酒聖詩豪。招邀山  
陰故老。今日個江左衣冠。屬我曹。慣追遊。興盡  
壓倒參軍放浪。平欺着內史風騷。

南畫眉序 唐節度漢嫖姚。筆陣詞鋒。座間掃。更氣

同儒素禮邁時髦。蕩汪波萬頃。挽快閣千年風。  
調市囂。長日何曾到。塵煩向此全消。

北出隊子

啓華筵歡笑。竟何須珠翠繞。有琅函玉

匣闕藏牢。錦軸牙籤次第標。虎略龍韜收貯博。

南神仗兒

情懷傾倒。情懷傾倒。風月無邊。乾坤窄

小。折取花簪烏帽。你看那一觴一詠。淺斟深酌。且休  
道樂今宵。還拚着醉明朝。

北刮地風

不肯放西園人散却。又何妨酩酊醺醺。

絳紗籠十二教前導。一齊的畫燭高燒。那裡管海棠  
零落。也不問杜鵑驚覺。玉漏沉更籌換。美人休報暖

翻寒增錦袍。醉而醒。侑着香醪。似陳遵投轄。開懷抱。  
不虛誇。豈浪嘲。

南閨樊樓

聒耳笙歌正喧炒。越盤桓。情越好。射覆

藏闔。任呼號。不管人間夜迢迢。自黃昏。直到卯。

北四門子

賦新詩。更請東君校。怕倉皇音律錯。將

熟字兒。更生字兒。敲喚青衣。一時敷演着。腔韻又諧。

板拍又調。旋譜入陽春舊稿。

南耍鮑老

宴集雖多。會文最少。旣相逢。休草草。薄

書暫避公家擾。舊期新約。主歡娛。客落魄。

北古水仙子

我我我。愧草莽。喜喜喜。玉樹金蘭許。

定交。他他他有萬種謙恭。羨羨羨淡半星兒驕傲感。  
感感更投之以木桃。呀呀呀竭枯腸怎報瓊瑤。敢敢  
敢郭汾陽再生。明聖朝。來來來將臺高只許騷人  
造。准准准低首拜旌旄。

南尾聲。紫泥飛下徵賢詔。遙望入三台九霄。丹鳳  
騶騰五雲表。

初夏題情

南南呂梁州序。西園暮景。南軒初夏。長日端居多  
暇。陌頭楊柳。陰陰漸可藏鴉。無奈關情杜宇。惹恨鵲  
鵲。占定荼蘼架。又早芭蕉分綠也。上窗紗。閒看兒童

捉柳花。合珠箔捲。金鈎掛。怪無端。一夜東風大。花亂落。絮交加。

前腔。 搖臺寂靜。畫闌幽雅。一樹薔薇低亞。鴛鴦兩

兩飛來。暖。傍牆沙。爲甚金針閑却。綵線丟開。刺繡都

停罷。忽見鶯巢新燕子。語窗紗。蝴蝶雙雙入。菜花。前。合

前腔。 枕痕橫臉玉生霞。簾烟微麝。香消鴨。對銀箏

無緒。鴈行空駕。幾度閑尋舊譜。試學新聲。欲演還拋

下。絲絲梅子雨。潤窗紗。無奈少女風前。爛熳花。前。合

前腔。 對香奩朱粉慵搽。臨寶鏡青螺羞畫。病慙慙

多半。爲他瀟灑。堪笑鸚哥解語。鸚鵡能言。把薄倖提

名罵最憐開遲芍藥滿映窗紗落盡春風始見花前

節節高一蓮舟戲女娃露裙軟蘭橈水濺淩波襪貪

頑耍兩髻丫雙鬟亞青青荷葉無多大折來莫把絲

牽掛金翠羽飛來綠葉叢玉盤側瓊珠下

前腔 乘陰傷水涯強歡狎玉纖漫解鮫綃怕音書

假辜負咱多嬌姹歸期暗數垂楊下而今不信傳來

話前

餘音 芳時一任東風嫁對良辰歡情未洽難道經

秋不到家

集曲名壽史痴



北南呂一枝花 勸金杯竹葉春。沽美酒瓊花露。集  
賢賓開壽域。迎仙客下蓬壺。列宴清都。夏初臨逢初  
度。應天長當月午。石榴花繞檻爭開。翠裙腰登筵謾  
舞。

梁州第七 湘子花有紅芍藥。太乙丹貯勝葫蘆。長  
生道引延生籙。逍遙樂古稀筭考。永團圓具慶歡娛。  
賀聖朝太平黎庶。感皇恩豐稔時俗。掛玉鉤簾幕高  
軸。瑞雲濃香篆輕浮。立蒼梧白鶴子。澤澤鮮鮮。戲錦  
葵粉蝶兒攢攢簇簇。占垂楊黃鶯兒喚喚呼呼。六么。  
拍促醉高歌。一夥閒人物。駐雲飛振林木。香柳娘樓

唇唱鷓鴣。八寶粧梳。

煞尾 穿窗月色西樓暮。風入松篁暑氣無。燭影搖紅碧紗護。天仙子贈圖。聖藥王賜福。管情取八百莊椿歲年足。

秦淮午日泛舟

北仙呂村里逐鼓。淮水上彩舟無數。正值着太平時序。都一般蘭橈畫槳。往來向中流競渡。你看那王孫豪客。華筵錦席。誇奢騁富。也有那皓齒歌金杯勸。象板促。敢則是間一派瓊簫畫鼓。

元和令 那黃龍按中央戊巳土。那青龍應東方甲乙

木。赤龍元是丙丁屬。庚辛金龍色素。更有那北方壬癸派牙烏。貫魚行分部伍。

**上馬嬌**

他任轉旋相抵觸。也是他操演太滑熟。五

方龍雜彩旗分布。有競利的徒。他每都賽願與祈福。勝葫蘆。更有那座上騷人宮錦服。舞放浪少拘束。白鷺洲邊重吊古。桃根桃葉。清歌妙舞。樂事想當初。

前腔則見隱隱殘霞水面鋪。雙雙的燕子戲。蕪蕪。勝追歡情未足。臨流洗盞。傷花展幕。他那在友謾招呼。

**後庭花**

看他們寶釵頭挑絳符。朱門上懸艾虎。翠荷

小盤初展。海榴紅巾半蹙。綠槐影傍庭除。向晚來蘭  
湯新浴。輕綃薄映膚。喜瑤觴滿泛蒲。北窗詩當再續。  
南薰絃仍一鼓。

雙燕兒。只喚的。披着襟散着髮。酒重沾。玉山頽玉手  
扶欹。搗紅兒。娟分付。翠雲屏暑氣無。碧紗厨涼意足。  
青歌兒。扇弄香綃生綃團素簾。展着碧波碧波  
寒玉。新月娟娟。笑倚青奴。醉枕珊瑚。香炷金  
爐。人臥冰壺。待驚鳥翻樹酒醒初。踏影向長廊步。  
賺煞。白髮暗相催。好景休辜負。正值着筵賓月午。  
謾憶三閭楚大夫。嘆離騷九辯誰續。混風俗。且自歡

精言下筆三易  
娛虎踞龍蟠壯帝都粧點出丹青畫圖快活煞風  
流人物便休題歌舞醉西湖

賞金陵八景

北越調鬪鵝鷄帝業南都天開上國虎踞龍蟠吳  
頭楚尾山海來賓車書混一仰聖功歌聖德政  
化流行胡塵一洗

紫花兒序修復就三王典禮掃蕩了六代浮華初  
立起一統洪基山川鞏固殿闕崔嵬雍熙班生賦最  
宜占斷了江南佳麗說甚麼唐宋中興周漢關西

小桃紅曉從鍾阜候雲霓掩映扶桑日鬱鬱葱葱

靄佳氣卷舒遲。分明彩鳳朝陽立。須煩太史。占豐紀。瑞有頌獻彤輝。

見三台。望百蝶排銀雉。正臘雪初開霽。粧點出石城壯偉。一帶素屏圍。聳嶙峋百尺。走銀蛇漫坡伏。又起偃玉龍。遠岡高又低。這一段暮景蒼茫。堪寫入漁簑畫裡。

金蕉葉。白鷺洲斜橫燕尾。合抱着中流。二水尋桃葉。桃根故跡。空蕩漾春潮數里。

調笑令。朱雀橋那壁。問烏衣。百姓人家燕子飛。想當年王謝居權貴。到如今事往人非。江山變遷那可

追祗留下淡淡斜暉

禿廝兒

聽嘹唳風前奏笛只疑是舊日桓伊向秦

淮試將蘭棹艤聲宛轉韻清淒烟暝長堤

聖藥王

形勝奇林麓美另巍巍天印鎮坤維樵斧

息樵唱起恁山謳野調總相宜真趣少人知

青山口

鳳臺鳳臺月輪輝晚雲收秋露洗鳳凰鳳

凰又來儀值

堯天當

舜日詩翁遜杖藜閨人正

搗衣聽那細細微微拂拂霏霏龍江深夜裡蓬窗客

夢回天涯鄉信稀刻燭談棋剪韭傳杯遠過瀟湘佳

致小可西湖更難比

隨煞 江南自古繁華地。受用煞花朝月夕。一從八  
景賦金陵。便覺胸中小彭蠡。

秋景

雨仙呂一封書犯 驚一葉墜井。陡覺新涼夜半生。  
欹珊枕夢醒。碧紗幮暑氣清。酒面荷香綃袂爽。雲鬟  
參差釵玉橫。下空庭露華零。唧唧寒蛩草砌鳴。寒蛩  
繁。秋露冷。薰香頻換已三更。合蕭條意。遲暮景。這般  
幽怨幾曾經。

皂羅袍犯 笑語西樓相應。看穿針乞巧。坐待天明。  
蛛絲瓜果謾爭能。寧知巧拙天分定。牽牛織女迢迢。



兩星銀河一水悠悠兩情嫦娥誰與憐孤另花陰下

欸欸行戲拈羅扇打飛螢

前合

勝葫蘆犯

絳蠟秋光冷畫屏剛吹斷紫鸞笙怕見

梧桐雙瘦影無端孤月又在梧桐缺處明吳山翠楚

樹青天涯望斷幾長亭

前合

安樂神犯

愁人厭聽西風一片搗練砧聲試將郎

意比浮萍萍蹤穩似郎心性欲把寒衣寄無限別離

情遠道誰堪倩風和雨不肯晴紛紛落葉滿江城

前合

尾聲

強支持慊漸病晚來閑把小闌凭自折黃花

力不勝

南寧總戎第夜宴

北窗一枝花。詩成奪錦。花重欹烏帽。酒光浮  
玉笋。燭影射金翹。珠翠週遭。傳內苑新聲。妙貯侯門  
地位。高天邊。風月分來。又花底笙歌會。  
梁州第七。翻白雪尊前。麗曲舞回風。掌生纖腰。洞  
天深不許凡人到。雕梁畫藻。粉壁塗椒。簾幙低簌香  
靄輕飄。勝蓬萊閨苑。逍遙有玉環飛燕。嬌嬈對空眼。  
見慣尋常。刺史腸難禁懊惱。翰林才堪與評跋。主賓  
興好。誰樓一任更籌報。人半酣。燭高照。燈火熒煌。醉  
客豪真個是夜夜元宵。

煞尾 金釵墜玉手纖東坡詞語分明道錦帳圍羊  
羔勸太尉家風豈浪嘲一刻何曾負歡笑覩浮名意  
薄怕公家事擾似這等舞女歌兒受用到老

賞中秋

北商調集賢賓 敞南樓夜深簾半捲看雲翳淨遇  
天人世裡秋光剛半碧天邊兔魄初圓共清光萬戶  
千門盼佳期動歲經年立高臺覩天不甚遠分明的  
桂影高懸我這里臨風歌窈窕把酒對嬋娟

逍遙樂 逢時開宴老子今宵風流不淺笑聳吟肩  
伴粗豪酒聖詩仙果是今年勝去年將數曲闌干倚

遍殷勤問月。人既多情。月豈無言。

**醋葫蘆**

盈虧在數餘。尋常任晦顯。一輪兒今夜向  
尊前聽霓裳羽衣仙韻演。大開着廣寒宮殿。覓浮槎  
直犯斗牛邊。

**么篇**

我笑那謝玄暉吟詠慳。庾元規局量區。一個袁  
宏牛渚便回船。若嫦娥肯將人可憐。許一個年年來  
相見。又何妨夜夜拚遲眠。

**么篇**

那洗炎薰露滿衣。快襟懷風一翦。恰金神戰  
退了火龍權。好良宵祗憑歡笑遣。報徹了銅壺銀箭。  
水泥香消盡。玉爐烟。

梧葉兒

人意滿月光少。月明多人事蹇。今日個人

月兩團圓。玉山倒。君休計。綠醅空。衣再典。則管裡苦  
留連。問甚麼梧桐影轉。

後庭花

攪瓊觴。佳又傳。將瑤席收更展。直喫到樹

杪。銀河瀉。城頭斗柄偏。杯爛熳。興陶然。猛可裡秋聲  
一片。竹瀟瀟。曲檻前。葉飄飄。荒砌邊。蛩淒淒的語最  
便。鴈呀呀的聲漸遠。

青歌兒

月有意。清光普遍。人幸得此身康健。人有

意時。月有緣。願的是歲歲年年。人月依然。老子痴癡。  
白髮垂肩。睥睨青天。呼吸長川。坐太乙池蓮。薦御冠。

雲軒袖拂秋烟。手挾飛仙。娑羅樹底。藥爐邊。直要見  
嫦娥面。

浪來裡煞。陰晴。定期造化多遷。一年裡能有  
幾回圓。人情暗隨天道轉。天若是。人方便。儘今生  
常醉月光前。

賞桂花

北中呂粉蝶兒。萬斛秋香。想靈根產來天上。下瑤  
堦白露生涼。玉樹金爛熳。滿枝爭放。茜紫妖黃。花  
一名種分三樣。

醉春風。銀漢月華明。清秋天氣爽。只愁風雨近重

陽及早裡賞。賞在曲角闌邊。太湖石畔。綠陰亭上。

迎仙客

且不索張玳筵。列紅粧。受西風半教。簾幕

敞。月在天。酒在觴。對着這瀟灑風光。一弄兒詩人况。

紅繡鞋

太白有冲天豪放。淵明有傲世清狂。花月

娛人。不能雙采石。月無花共。彭澤菊帶寒霜。愛良宵

今勝往。

普天樂

玉闌遮銀屏障。遊蜂謾採。浪蝶休忙。手葩

吐異芬。四出呈新樣。舉酒高歌。花相向。把花神仔細

端詳。端的是香清似麝蘭。色嬌如金粉。品壓盡羣芳。

石榴花

想牡丹聲價重。花王可憐春去太匆忙。漫

山桃李總尋常。江梅有暗香。冷落在溪傍。想芙蓉幾  
樹秋江上。淒涼殺遠水斜陽。值名花在眼身無恙。我  
這里痛飲待何妨。

鬪鵲鵲

愛的是細蕊雲稠。喜則喜繁枝翠穠。見如今

露冷天寒。正值着風清月朗。拚着個酩酊花前醉幾  
場。儘教人笑我狂。或是秉燭通宵。或是凭闌半晌。

上小樓

不是我詞華過獎。不是我心情偏向。想起那

好竹王猷。愛蓮周子。採藥劉郎。爭如我對月忘憂。拚  
桂無心。看花想像。恁清風不教多讓。

前腔

我風味別。興趣長。香惹烏紗。香襲書帷。香沁羅



裳花下開眠。花外徐吟。花前凝望。受用足淺斟低唱。  
滿庭芳。烟滋露養。根深蒂固。葉茂枝昌。廣寒宮闕  
高千丈。覓浮槎怎泝銀潢。全不許鶯喧燕攘。只疑是  
鳳翥鸞翔。想凡卉多般樣。有濃粧艷粧。爭如他正色  
占中央。

十二月 使不着吳剛伎倆。用不着韓壽心腸。待學  
賦淮南招隱說。甚麼寶氏遺芳。正近着秋吟綠窗。寫  
幽情費盡了思量。

堯民歌 這答兒 賽杜陵流水浣花堂。勝裴公綠野午  
橋莊。踈英瑣碎。月昏黃。冷香飄蕩。露清涼。更長更長。

漏轉長。坐到斗柄西樓上。

耍孩兒

丹青巧筆難形狀。不似那閑花朵。三三兩兩。一團清氣暗包藏。倩西風簇就金囊。分來月窟千年秀。奪盡東籬一塵香。自一種超凡像。便休提櫻唇點紫。官額塗黃。

四煞

嫩枝柯含細雨。舊根基培沃壤。歲寒不改長。興旺幽叢未肯依窮谷。仙迹合教貯粉牆。志節真高尚。論交少等。定價難償。

三煞

花怜人似有情。人惜花勞稽顙。淺黃淡白。閑摹仿。密攢玉。縈連技巧。斜安金釵一股長。無語空惆

悵難留花事。易老韶光。

一煞。未安排賞翫心。先習學栽種方。頻收新蒞歸  
佳釀。靜陪明月清塵夢。遠逐涼颿入醉鄉。聽畫角聲  
悲愴。正蛩吟唧唧。烟靄蒼茫。

尾煞。清香自護持。知音誰過訪。夜深時只恐嫦娥  
降。則聽得環珮珊珊在半空裡響。

### 秋怨

北雙調新水令。鴛鴦夢斷藕花鄉。晝沉沉水心亭  
上。柳絲牽舊恨。花纈闌新粧。立盡斜陽。無語幾惆悵。  
駐馬聽。客路修長。一度書來。一度想。金風飄蕩。

番雨過一番涼。生前業債甚年償。眉尖悶鎖何時放。  
聽誰家砧韻響。一聲聲偏搗在愁心上。

鴈兒落。好似那無根蓬。欠主張。漫天絮。閑遊蕩。逐波  
萍。任去留。隨風柳。多偏向。

得勝令。呀。空寫下舊事兩三行。故紙百十張。把些個  
詭鬼瞞神誓。番做了唆秦騙趙謊。害軟了心腸。對人  
前口強。心不強。病染膏肓。那里是醫良藥不良。

川撥棹。一弄兒助淒涼。沒來由。閑閑攘。兩兩寒蟄。  
草下堦傍。也會把離人話講。絮聒絮聒多半晌。

七弟兄。他在那遠方。異鄉。着我費思量。且休提動止。

米言長屋集卷一  
渾無恙。便些兒破綻有何妨。莫輕將美愛都全忘。呀。  
恰思今還念往。

梅花酒 問月在西廂。待月在東牆。對月在南窗。匆  
匆的秋又來。呀。迢迢的漏偏長。遲遲的夜未央。塵蒙  
了象牙床。火冷了玉爐香。零落了錦香囊。冷淡了舞  
衣裳。金縷也不成腔。金鴈也不成行。

收江南 呀。爲誰消瘦減容光。蛾眉空想畫張郎。薄情  
繫馬向垂楊。知他在那廂。高燒銀燭照紅粧。

離亭宴煞 枕邊悄語成虛妄。從來好事多魔障。積  
儼下恩多怨廣。鏡奩兒羞照舊時容。袖梢兒不乾今

日淚裙腰兒減盡。前春樣。捱徹了孤辰寡宿年。再整理。帶雨尤雲。況跳出了愁城恨網。將養的比翼。羽毛成。醞釀的並頭花朵就。滋培的連理枝條旺。謾鋪設。翡翠屏。重拂綽。鮫綃帳。滿捧着瓊觥玉觴。三秋月。儘情看。四時花。隨意賞。

### 冬景

南南呂梧桐樹。深深繡幕遮。簇簇銀屏列。四壁氍毹。遍地重裯藉。雕楹轉畫闌。詰曲通臺榭。獸炭紅爐。翠鼎龍涎爇。一窩攬盡閑風月。

東甌令

殊幽致。不驕奢。與太尉家風分外別。瓊酥

旋點羊羔熱。那里省嚴威列。美人附耳悄聲說。門外正飛雪。

大聖樂

把珠簾欵欵低揭。見彤雲迷四野。初疑暮

雨梨花謝。

又交舞玉蝴蝶。我這里吟髭謾撚。吟肩起。

自把寒梅帶笑折。呼童命妾。遣金尊謾倒。綺席重設。

解三醒

剛纔聽鳳笙吹徹。早象板銀箏又打迭。行

雲繚繞歌喉咽。

正纏頭舞錦橫斜。我則見香風滿座。

飄蘭麝。

更那堪翠袖金釵掩映者。誰曾問燭花銷鳳。

杯影吞蛇。

餘音

太平年歡娛夜。主豪賓勝兩奇絕。金谷梁園。

也讓些。

冬景題情

南南呂梧桐樹。漫漫瑞雪鋪。密密彤雲布。兩兩漁  
簑粧點江天暮。慚無謝女才。空想梁園賦。學弄梅粧。  
又恐天孫妬。無言半晌深扃戶。

北馬玉郎。白鷗皓鶴失鮮素。雲靄飄雪模糊。攔截  
遊子歸來路。平埋了折柳亭。橫遮斷嘶馬橋。緊凍合  
停橈渡。

南東甌令。思前事。想當初。有箇人兒對擁爐。雲屏  
霧障重重護。却易把流年度。如今人去影兒孤。教我



怎支吾。

北感皇恩 香盡金鳧。冰冷冰壺。空閑了繡氍毹。闌珊了金鑠鏤。零落了錦流蘇。愁腸曲折。夢境糊突。想着他千般呪。百歲盟。半星無。

南浣溪沙 風月招。幽緣薄。到如今一筆皆塗。痴心倩女成耽誤。薄倖相如下。狠毒。心正苦。見兩個飛禽兒。惱人也來相喚相呼。

北採茶歌 拈彩筆。手生疎。寫不就雪蕉圖。把這病容愁臉細臨摹。寄到君前君一覩。崔徽不是舊規模。南尾聲 晚來時。添淒楚。茫茫飛雪遍江湖。正是夫

戊蕭關妾在吳。

冬暮題情

〔南雙調黑麻序〕

點檢梅花。見南枝春信漏洩今宵。

雪模糊。可堪半壓寒稍。依稀暗香動。且浮疎。英嫩又嬌。正無聊。着意看時。却又被花相惱。

前腔

清曉眉黛慵描。整殘粧無語向花微笑。惜花

人此時音問寥寥。凭闌天寒綈袂薄。風輕繡帶飄。自今朝。一捻腰圍。却寬掩翠裙多少。

〔忒忒令〕

任雪花梅英闌巧。憔悴人暗傷懷抱。此情

若使天知道。離恨比天更高。果然是天知道。和天也

瘦了。

五供養

青山頓老。誰收拾滿地瓊瑤。蒼茫冬暮景。

舉目正蕭條。笑我因花起早。聽滿耳靈禽喧噪。不報些兒喜。惹煎熬。北風吹面利如刀。

好姐姐

一交黃昏靜悄。孤另另銀缸相照。把燈兒

慢挑。和衣剛睡着。誰驚覺。聲寒指冷。難成調。偷弄飛

瓊碧玉簫。

川撥棹

難猜料。自來這讀書人心性喬。早殢上金

屋嬌姿。頓忘了臨邛故交。漢相如恩愛薄。卓文君緣

分少。

錦衣香。關珊了錦字詩。差錯了瑤琴操。釵分了交股金。帶折了連環套。鳳凰簪鏤鏤玲瓏。那得堅牢。桃花源上不通潮。傷心總是雨。葉風條。連枝樹近來也生成。恨種愁苗。魚鴈無消耗。水濶山高。紅絲繫足。誰把并刀雙攪。

漿水令。不索將蒼穹禱告。一任他傷人戲嘲。名香夜夜對天燒。幽情未訴。意攘心勞。從前事都忘却。只求眼下他來到。鴛鴦被鴛鴦。被重薰麝腦。銷金帳銷金帳。慢飲羊羔。

餘音。愁容等的生歡笑。說甚暮冬天道。番成月夜。

花朝。

冬怨

〔北黃鐘醉花陰〕 今歲江梅試花早。一夜禪南枝遍  
了。舒玉手捲珠箔。恰待看花。又恐花神笑。人瘦損。楚  
宮腰。花比離人容易老。

〔喜遷鶯〕 減花容。月貌。平空的兩日三朝。煎熬眉尖  
額角。蛾綠宮黃。懶去描。好梳粧都罷却。見不的鴛鴦  
枕冷。覩不的翡翠衾薄。

〔出隊子〕 聽紅兒來報。有青山頭白了。瓊珠滾滾樹  
頭拋。蝶翅翩翩檻外飄。柳絮漫漫風內攪。

前腔

讓豪家歡樂。擁紅爐圍暖閣。十分金盞勸羊

羔。八面金屏護錦貂。三足金爐煨麝腦。

刮地風

他每都喝雉呼盧胡做作。賣弄他一味粗豪。

繡毼低簌芙蓉幕。四下裡銀燭高烧。俊嬌嬈把玉  
笙雙抱。美娉婷把錦箏斜靠。吹的吹彈的彈。滿堂喧  
鬧。試龍團烹鳳爪。喚家僮旋掃瓊瑤。勸酬頻觥。筆從  
顛倒呀。敢醉醺醺生怕曉。

四門子

孤眠人况味誰知道。小房櫳偏靜悄。淚顆

來彈。燈燼來挑。捱長更好生難熬。歲月又長。山水  
又遙。直這般離多會少。

古水仙子

昏昏昏昏睡着。聽聽聽是誰把深深繾

戶敲我我我索自驚疑他他他登時來到將將將那  
脫空言都告繳喜喜喜再成合鳳友鸞交悠悠悠戀  
高唐楚雲剛縹緲呀呀呀溪雞聲好夢來驚覺看看  
看金鴨內篆烟消。

尾聲

梅雪清香總奇妙。惜花人自無聊。年年到恁

時常病倒。

題情

南商調鶯啼序

孤幃一點殘燈。見半滅猶明。夜迢迢

迢斗帳寒生。展轉幽夢難成。吟雕鞍把歸期細數。恨

浪跡全然不定。把前歡自省。說來的話兒無憑。

黃鶯兒

無語對銀屏。正樵樓鼓二更。梅花笑殺人。

孤另。踈鐘幾聲。殘角數聲。薄衾單枕愁難聽。影伶仃。品品瘦骨。離恨教我怎支撐。

集賢賓

揶揄鬼病誰慣經。但舉步難行。翠鈿金釵。

無意整好梳粧。一日何曾。心懸意耿。自古道佳人薄命。淒涼景。盼不到美滿前程。

鬪雙雞

芙蓉面芙蓉面。淚痕暗凝。楊花性。楊花性。

別離太輕。自是東君薄倖。一樹紅芳誰管領。浪蝶狂蜂。休得要鬪爭。



簇御林。天涯路長短。亭怨王孫芳草青。晝長羞把  
闌干凭。幾遍將鱗鴻倩。訴衷情。千言萬語。猶恐欠丁  
寧。

琥珀貓兒墜。野花村酒。他那里醉還醒。冷落誰憐  
冬暮景。奴耽寂寞你飄零。難憑。頓忘了神前海誓山  
盟。

餘音。風流惹下風流病。只索把那人痴等。他無有  
真誠。我須辦着志誠。

題冬景

南南呂一封書犯。朔風勁透幕。布被嚴寒曉漸加。

彤雲布四匝。玉琤琤鳴萬瓦。幾點沾衣輕忽舉。成陣  
漫天橫又斜。遍天涯。淨無瑕。頃刻園林盡試花。銀葩  
亂。玉蕊雜。素鸞白鶴舞交加。合門深閉。杯笑把。肯將  
樂事讓豪家。

皂羅袍犯。柳絮才高誰和。倚西樓。日晚野興偏多。  
漁翁獨釣。擁寒蓑。千山那有飛禽過。未知來歲麥熟  
幾何。問渠農事。遺蝗有麼。宜時且把豐年賀。醒而醉  
一任我。絕勝錦帳宴笙歌。合

大河蟹犯。狂解鷓鴣裘付酒家。酒盡後。喚重賒。滿地  
瓊瑤未經掃。莫教踏碎。石鼎呼僮。謾煎茶。冰誰剪。鹽

亂撒銀杯逐馬帶隨車

前合

樂安神犯

東驢須跨南枝梅信。泄漏年華。溪橋村

路景偏佳。豈惟江上堪圖畫。散漫飄僧舍。詩句韻無

前合

差。遠密把歌樓酒。凝眸處多半霎。光搖銀海。眩生花。

餘音

日高時。尤僵臥。閑中歲月暗消磨。寄語高軒。

莫見過。

小令

九日

北水仙子帶過折桂令

西池纔見翠荷殘。南浦初

聞白鴈還東籬。又喜黃花綻。問登高何太晚。被無情  
雨阻風攔。雨洗的秋容淡。風吹的人意懶。便追遊不  
索去龍山。○便追遊不索去龍山。簾幙低垂。門戶重  
關。名利渾忘。清閑自守。故舊相看。芻醢醪頻傾玉盞。  
撚茱萸。咲倚雕闌。節序循環。世事艱難。便做道百歲  
人生。能有得幾度開顏。

暮春志感

北脫布衫帶過小梁州。問城南花事如何。歎尊前  
故舊消磨。鞦韆院垂楊靜鎖。管絃樓小桃零落。○九  
十韶華夢裡過。卽漸蹉跎。峭寒猶自戀輕羅。東風大

三月未融和。○無聊靜掩空齋坐。強支持酒病詩魔。  
燕子慵鶯兒情。海棠開過。春事已無多。

閑情 二首

北醉太平。塵濛象管。香冷雕盤。玉簫聲歇。怨孤鸞。  
怪陽臺夢短。撲蝴蝶。撲得芳心亂。看鴛鴦看得柔腸。  
斷。聽流鶯。聽得黛眉攢。別離情萬般。

天連倦眼。路阻雕鞍。小樓高處望長安。倚闌干。到晚。  
口將的。紈扇。圈兒綻。手搓的金鈿花兒爛。淚彈的紅。  
錦帕兒。蕩恨薄情未還。

上元漫興

北水仙子 朱闌深護小房櫺。一片笙歌花外擁。寒  
威不到梨雲洞。喜盤桓清夜永。想人生好景難逢新。  
酒盈缸。綠春燈照座紅。怕是麼雨雨風風。

四時閨怨

北蟾宮 瘦伶仃。減盡腰圍。寬一搯羅衣。褪一搯羅  
衣。舊巢寒。燕子初歸。開一扇朱扉。掩一扇朱扉。思昏  
昏情默默。聽一聲鳥啼。怪一聲鳥啼。雨零零。風細細。  
見一片花飛。怕一片花飛。轉頭來。綠暗紅稀。惜一霎  
芳菲。怨一霎芳菲。

小池塘。細漾清漣。開一簇紅蓮。謝一簇紅蓮。午陰濃。

嘉樹青圓。噪一片風蟬。咽一片風蟬。話兒長字兒短。  
寫一行彩箋。算一行彩箋。路兒遙人兒遠。擲一會金  
錢。問一會金錢。翠爐中頻炷沉烟。覺一日如年。度一  
日如年。

鎖梧桐。細雨重門。經一度黃昏。怕一度黃昏。楚天遙  
過鴈聲頻。望一段行雲。化一段行雲。信兒虛音兒少。  
勞一番夢魂。空一番夢魂。被兒單枕兒冷。搵一半啼  
痕。漬一半啼痕。倩連環織錦。迴文通一個殷勤。寄一  
個殷勤。

戀孤衾。曉夢初醒。報一處雞聲。唱一處雞聲。響銅壺

玉漏琤琤數一刻殘更。推一刻殘更。景淒淒寒凜凜。  
添一圍畫屏。列一圍畫屏。影蕭蕭光閃閃。羞一點殘  
燈。對一點殘燈。調梅花角動江城。吹一曲離情。訴一  
曲離情。

寄情

南黃鶯兒 費殺小心兒。病恹恹都爲爾。曉兒信兒  
明傳示你。若還有詩。我定然有詞。叮嚀莫忘王魁事。  
細尋思。爲休書一紙。大鬧了海神祠。

四時閨怨

南金落索 東風轉歲華。院院燒燈罷。陌上清明細。



雨紛紛下。天涯蕩子心。盡思家。只見人歸不見他。合歡未久難拋捨。追悔從前。一念差。傷情處。慙慙獨坐。小窗紗。只見片片桃花。陣陣楊花。飛過鞦韆架。

楊花亂滾綿。蕉葉初學扇。翠蓋紅衣。出水蓮。新現燒殘金鴨內。水沉烟。睡起紗厨。雲髻偏。無端好夢誰驚破。花外鶯聲。柳外蟬。羞臨鏡。千愁萬恨。對誰言。只見舊恨眉邊。新淚腮邊。界破殘粧面。

開堦細雨收。翠幕新涼透。衰柳殘荷。正值愁時候。近來都減却。舊風流。爭奈新愁。接舊愁。白雲望斷天涯遠。人在天涯。欲盡頭。相思病。無明徹。夜幾時休。只見

鴈過南樓。人倚西樓。人比黃花瘦。

銀臺絳蠟籠翠幄。金鈎控錦帳。紅爐獨自無人共。月明纔轉過。小房攏不放。清光照病容。愁聽畫角聲三弄。吹落梅花。一夜風關山遠。魚沉鴈杳。信難通。孤眠人最怕。隆冬又值嚴冬。做不就鴛鴦夢。

青樓十詠

初見

北窗蒹葭。會陽臺雲雨濃。濕羅衣。風露冷。怨青鸞黃犬又無憑。乍相逢。只疑虛夢境。半晌價。度量不定。把銀缸仔細照分明。

小酌

前腔 喚銀瓶滿注漿。勸金杯休放淺。盡歡娛。索  
苦俄延。敘情的話兒。權告免。有一日。滿足心願。那時  
節。重列綺羅筵。

沐浴

前腔 水晶簾半上鉤。芙蓉屏都放。暖溫泉淨洗粉  
脂香。暑全消。自然肌骨爽。坐近藕花池上。不搖紈扇  
自清涼。

納涼

前腔 挹荷香坐水亭。愛桐陰臨露井。戲拈羅扇打

飛螢翠爐中自焚黃串餅喜孜孜玉肩相並望銀河  
笑指問雙星。

臨床

前腔 卸合歡玉燕釵解同心金鳳紐窄弓弓羅襪  
褪雙鉤背銀燈半遮樊素口言語兒半推半就殢人  
情特地撒嬌羞。

並枕

前腔 傷香肩搵粉腮貼酥胸交玉股繡鴛鴦春暖  
勝珊瑚得同衾此生多分福却正是良宵易度儘遲  
遲更漏響銅壺。

交歡

前腔 笑悄悄。寒黛眉。端吁吁。推繡枕。殢幽歡。悞落  
鳳釵金。漾回文。浪翻鴛被錦。一合兒。雨雲情甚覺。梨  
花春瘦。恐難禁。

言盟

前腔 巧舌頭。枉自甜。浪青絲。不索剪。辦名香。一炷  
對蒼天。金石情。百年圖久遠。有一個。意別心變。遊魂  
兒。直告到海神前。

曉起

前腔 冷金爐。蘭麝香。轉紗厨。明月影。韻悠悠。書角

送殘更待披衣。又延多半頂。宜怪這使兒催併。早花  
稍紅。日上窗櫺。

送別

前腔。浪姻緣一霎休。惡相思何日止。料此時相見  
又何時。寄平安不須天樣紙。休寫這別離兩字。叙些  
兒恩愛。好言辭。

閑情 七首

北小桃紅。小溪泛盡却山行。去去多詩興。瘦馬輕  
衫頗相稱。雨初晴。逶迤綠野連芳迳。桑陰柘影。村閑  
人靜。啼鳥兩三聲。

兩山排闥送青來。人在青山外。且自看山了。詩債。厭  
塵埃。何時得解金魚帶。買田問宅。遠臨溪瀨。築個釣  
魚臺。

點溪荷。葉疊青錢。蚕事家家遍。村舍薰風戲雛燕。裊  
吟鞭。青泉白石相留戀。朝衣咲典。山翁相見。說會太  
平年。

家家扶得醉人歸。村酒村翁醉桑柘。斜陽滿牛背。傷  
柴扉。汪汪一犬迎人吠。詩中畫裏。倩誰寫意。千古憶  
王維。

一行白鷺上青天。新水平湖面。望水尋山頓忘倦。不

添錢綠醕價少溪魚賤。詩人量淺。村翁頻勸。醉藉午陰眠。

新篁搖綠兩三梢。流水柴門抱。十里青山帶殘照。晚鐘敲。蒼苔逕。路人稀到。老僧意好。相逢一笑送過虎溪橋。

竹林深隱地。仙居。人在山深處。門逕蕭然自成趣。旁堦除。鶴羣長繞三珠樹。松堂一雨。片雲飛去。月照案頭書。

寄妓

南駐馬聽

一首新詩。寄與梨園女教師。不着疼熱。



暗使機關。枉費言詞。大拚告到海神祠。海神難管恩情事。子細尋思。王魁與我不相似。

怨別 十三首

南風入松。想才郎心性似楊花。虛飄飄難按難拿。鞦韆院落荼蘼架。到處裡隨風落下。沾不穩銀屏繡榻。又一片入誰家。

想才郎心性似游絲。慣牽纏。蕋狂枝。春蠶口裡。渾不似。織不得回文錦字。休道是全無定止。終有個傷人時。

想才郎心性似風箏。盼不到萬里鵬程。一絲手內牽。

率定虛空裡安身立命。一去了何曾見影。身更比羽毛輕。

想才郎心性似浮萍。那里也土長根生。東流西蕩何曾定。隨風浪一般水性。常伴着殘英斷梗。無半點是真誠。

想才郎一去了許多時。誰知他節外生枝。書來止說功名事。不道着恩情兩字。本待要尋活覓死。怕落下反名兒。

想才郎一去了半年餘。那里會寄紙音書。薄情下得拋人去。擎着淚畱他不住。他若是爲官中舉。我先准

備七香車。

想才郎一去了不回來。闌干上畫損金釵。爲他消瘦。因他害。怎教我痴心寧耐。休道是一年半載。三五日早難捱。

想才郎一去了杳無憑。早忘了海誓山盟。說來話兒全不應。誰似你辜恩薄倖。對神前提着小名。才罵了又心疼。

想當初張珙爲功名。普救寺裏撞見箇鶯鶯。鬼兒夢兒相纏定。兩下裏恹恹成病。我更比鶯鶯有情。尋不着俏張生。

漢相如原是有情人。正遇着個新寡文君。琴聲引得  
心兒順。獨駕起香車私迹。我賽過文君幾分。爭下得  
便忘恩。

販茶船賺了小蘇卿。那里也發付雙生。金山寺裏畱  
名姓。重配了臨川縣令。我更比蘇卿志誠。郎心性似  
浮萍。

李亞仙跟定鄭元和。把家私卽漸消磨。卑田院裏耽  
饑餓。這緣分非同小可。我爲你恩多怨多。直恁般太  
情薄。

憶巫山神女會高堂。一番價夢境難忘。朝雲暮雨陽

臺上宋玉賦空勞想像。比神女咱多念想。他不似楚襄王。

風情 四首

南駐雲飛。燭影搖紅。翠袖殷勤捧玉鐘。淺笑蛾眉縱。款步湘裙動。紫惱亂杜司空。醉眼朦朧。一曲清歌誤把行雲送。猶恐相逢是夢中。

薄分劉晨。一別天台隔世塵。花月追風韻。冰玉恩清潤。紫春夢了無痕。早是傷神。流水桃花還向溪頭問。不見當時勸酒人。

舊日張郎。曾記眉兒畫短長。得見風流樣。問甚別離。

況紫纖手捧霞觴。滿勸瓊漿。人自當壚。何用金貂當。  
爛醉佳人錦瑟傍。

皓齒纖腰。寶髻宜簪白燕高。細把銀燈照。不管春雞  
報紫。何處教吹簫。再見今宵。縱有千金難買傾城笑。  
金屋粧成貯阿嬌。

香閨八詠

眉黛顰蹙

北滿庭芳。嬌容中酒。春山凝翠。新月含羞。綠窗睡  
起紅綃皺。心事悠悠。傷粧臺空勞玉手。對西山懶上  
珠樓。雙蛾闌傷離病久。風雨替花愁。

月奩勻面

前腔 嬌容濟楚。粉腮濃淡。花臉消疎。一泓秋水歡  
相聚。難畫難圖。訴離情。那堪並語。任傷心。不敢長吁。  
關心處。青鸞對舞。腸斷影兒孤。

翠袖啼痕

前腔 綠窗睡起。愁嫌夢短。恨怪春遲。燕鶯聲不絕。  
人憔悴。悞了佳期。襟領前紅香潤濕。粉腮邊。斑點塵  
迷。關心淚。終宵暗滴。恐怕外人知。

芳塵春跡

前腔 剛剛半扎。盈盈羅襪。淺淺金沙。等閑立在西

廂下。款款輕踏。弓鞋窄尖尖。笋芽鳳頭蹴步步蓮花。  
些娘大。十分俊雅。不許外人誇。

繡床凝思

前腔。停針半晌。慵拈彩線倦倚紗窗。吐絨幾縷添。  
愁况猶帶紅香。刺不就雙飛鳳凰。繡不成並宿鴛鴦。  
空遙望。低頭暗想。何處也畫眉郎。

雲窗秋夢

前腔。驚回夢殘。喚覺酒醒。聒得心煩。叮嚀響處流。  
風散明月。嘶山是何處。濯衣向晚。聽誰家搗練催寒。  
長吁嘆。愁併恨攢。夫婿幾時還。



金錢卜遠

前腔 不聞動止。懷君甚矣。遊子何之。對神明暗祝。心中事。切切思思。曾約定佳期在此。又過了風雨花時。無書至。惜花箋半紙。莫不交變了那人兒。

水盆沐髮

前腔 貂蟬鬟妥。溫溫沈水。漾漾清波。蘭膏洗淨新涼和。丰韻偏多。喜孜孜眉顰翠蛾。笑暗暗髻挽青螺。香風過。烏雲一朵。鏡兒裡見嫦娥。

風情

四首

北一半兒

懷兒中。攬惜費溫存。燈兒下。觀瞻越可。

人床兒前央及到半時辰笑忻忻一半兒推辭一半兒肯。

纖腰恰褪繡羅裙寶髻斜堆玉枕雲粉腮春透熱氣氤汗津津一半兒佯羞一半兒親。

個心腸端的性難拿冷句兒將人奚落煞盟山誓海口熟滑俏冤家一半兒真誠一半兒假。

不禁春色眼兒涎不慣行雲猶氣喘金釵斜隊鬢雲邊鏡臺前一半兒鬆鬆一半兒偏。

中秋 四首

北水仙子 尋常三五一般圓此夜清光分外妍白

頭又見嫦娥面。是今生緣不淺。月徘徊人正無眠。滿  
滿的金杯勸。徐徐的涼影轉。要相逢又是明年。

一輪海上鏡新磨。百步庭中光正可。綠烟却被風吹  
破。廣寒宮門不鎖。捲珠簾試問嫦娥。人老也長看月。  
月圓時偏照我。月和人那個情多。

霓裳人聽一聲歌。玉斧誰修七寶盒。還丹兔搗千年  
藥。三般兒事若何分明的影動山河。張華誌休評論。  
盧仝詩權架閣。愛的是陰少晴多。

初離海角水晶丸。乍到天心白玉盤。嫦娥欲與幽人  
伴。去遲遲來款款。喜今宵人月團圓。分天地秋一半。

月中庭光占滿。廣寒宮是有多寬。

閨情別意

四

北水仙子 月明開照小紅樓。低簌珠簾不上鉤。帶  
圍寬陡恁腰肢瘦。爲多嬌憶舊遊。自相別減盡風流。  
對美景難消悶。飲香醪怎解愁。下眉頭又上心頭。  
月明開照小亭軒。斜倚闌干懶去眠。對嫦娥欲訴心  
中怨。撫瑤琴意慘然。略相別又早十年。鸞影隻恩情  
斷。鴈聲孤音信遠。過青春甚日團圓。

月明開照小簾櫳。冷落了巫山十二峰。朝雲暮雨成  
何用。嘆鴛鴦錦被空。間別來水遠山重。消寶篆金爐

火。開。秋。蟾。鐵。馬。風。料。今。宵。好。夢。誰。同。  
月。明。閑。照。小。窗。紗。爲。憶。多。情。夢。見。他。俊。龐。兒。越。恁。恁。  
描。畫。笑。吟。吟。閑。戲。耍。褪。羅。裙。恰。待。歡。洽。剛。說。罷。心。  
事。猛。驚。回。簷。外。馬。覺。來。時。依。舊。天。涯。